

Na osnovu čl. 10. i 12. Zakona o udruženjima i fondacijama Bosne i Hercegovine, ("Službeni glasnik BiH", br. 32/01, 42/03 i 63/08), Osnivačka skupština Amaterskog mikološkog udruženja, na sjednici održanoj dana 10.02.2010.godine u Sarajevu, donijela je:

S T A T U T

Amaterskog mikološkog udruženja

I - OPŠTE ODREDBE

Član 1.

Amatersko mikološko udruženje (u daljem tekstu: Udruženje) je osnovano Odlukom o osnivanju donesenoj na sjednici Osnivačke skupštine Udruženja, dana 10.02.2010.godine u Sarajevu, u skladu sa Zakonom o udruženjima i fondacijama Bosne i Hercegovine (u daljem tekstu: Zakon).

Član 2.

U skladu sa članom 12. Zakona ovim statutom uređuje se slijedeće:

- puni i skraćeni naziv, sjedište i adresa Udruženja;
- ciljevi i djelatnosti,
- postupak za primanje i isključivanje članova;
- organi udruženja, postupak i način na koji se biraju, ovlaštenja koja imaju, kvorum i pravila glasanja, trajanje mandata, lice ovlašteno da sazove skupštinu, uslovi i način raspuštanja odnosno prestanka rada;
- postupak za izmjene i dopune statuta, ovlaštenja i donošenje drugih općih akata Udruženja;
- javnost rada;
- pravila za ostvarivanje, korištenje i raspolaganje sredstavima Udruženja, kao i organ koji je ovlašten za nadzor nad korištenjem tih sredstava;
- podnošenje izvještaja o finansijskom poslovanju i radu Udruženja;
- opis oblika i sadržaj pečata i znaka ;
- zastupanje Udruženja;
- uslovi i postupak spajanja, razdvajanja transformacija ili raspuštanje odnosno prestanak rada Udruženja, uključujući bilo kakav poseban kvorum ili pravila kvalifikovane većine i postupak glasanja,
- postupak za raspolaganje preostalim imovinom ili drugim sredstvima u slučaju raspuštanja ili prestanka rada Udruženja
- ostala pitanja u vezi rada i djelovanja udruženja u skladu sa Zakonom i ovim statutom.

II NAZIV, SJEDIŠTE I PODRUČJE DJELOVANJA

Član 3.

Amatersko mikološko udruženje
Amaterska mikološka udruga
Аматерско миколошко удружење
Službena upotreba naziva je na ćirilicom i latiničnom pismu.

Član 4.

Sjedište Udruženja je: Sarajevo, ulica Olimpijska br. 3/I

Član 5.

Udruženje je nevladina neprofitna organizacija koja nema namjeru sticati profit.
Udruženje djeluje na cijeloj teritoriji Bosne i Hercegovine.

Član 6.

Udruženje može promijeniti naziv i sjedište, o čemu odluku donosi Skupština Udruženja, u skladu sa zakonom i ovim statutom.

Član 7.

Udruženje stiče svojstvo pravnog lica sa pravima, obavezama i odgovornostima danom upisa u registar kod nadležnog ministarstva.

III OBLIK SADRŽAJA PEČATA, ŠTAMBILJA I ZNAKA

Član 8.

Pečat Udruženja je okruglog oblika prečnika 30 mm u kojem je ravnomjerno ispisan tekst punog naziva Udruženja na latiničnom pismu i to: Amatersko mikološko udruženje, a u sredini je sjedište Udruženja Sarajevo.

Udruženje može imati štambilj, koji je pravougaonog oblika, dimenzija 50x25mm i sadrži puni naziv Udruženja kao i prostor za upisivanje broja predmeta i datum zavođenja odluke, odnosno akta u djelovodni protokol.

Udruženje ima svoj znak. Znak je u obliku pet gljiva (smrčaka) izraslih iz mahovine, na bijeloj podlozi, uokvirenih sa dva pravilna kruga zelene boje, između kojih je latiničnim pismom upisan puni naziv Udruženja: Amatersko mikološko udruženje.

Član 9.

Udruženje može imati više pečata, s tim što svaki mora biti numerisan brojevima.
O čuvanju i upotrebi pečata stara se predsjednik Udruženja.

IV CILJEVI I DJELATNOSTI

Član 10.

Ciljevi i djelatnosti Udruženja su :

- Zastupanje interesa članova Udruženja iz oblasti mikologije;
- Pomoć i učešće u izradi i implementaciji projekata iz oblasti mikologije u Bosni i Hercegovini;
- Praćenje i podsticanje razvoja i unapređenja zaštite okoliša;

- Međusobno povezivanje članova radi razmjene iskustava iz oblasti mikologije;
- Podsticanje inicijative kod nadležnih organa i organizacija, za donošenje propisa iz oblasti mikologije u Bosni i Hercegovini;
- Izdavanje časopisa, brošura, knjiga i drugih publikacija radi ostvarivanja ciljeva Udruženja;
- Održavanje seminara, sjednica, radnih sastanaka i sličnih skupova radi usavršavanja članova Udruženja;
- Razmjena iskustva sa istim ili sličnim udruženjima u Bosni i Hercegovini i inostranstvu;

Član 11.

- Udruženje može obavljati privredne djelatnosti koje su neposredno povezane sa ciljevima Udruženja iz člana 10. ovog statuta (izdavanje časopisa, brošura, knjiga i drugih publikacija radi ostvarivanja ciljeva Udruženja).
Udruženje može, za djelatnosti koje nisu neposredno povezane sa ciljevima Udruženja iz člana 10. ovog statuta osnovati posebno pravno lice u skladu sa Zakonom.

V ČLANSTVO U UDRUŽENJU

Član 12.

Osnivači Udruženja su ujedno i članovi Skupštine koji svojstvo člana udruženja stiču danom upisa u Registar udruženja.

Članovi udruženja su fizička lica državljanima Bosne i Hercegovine kao i strani državljanima koji imaju boravište u Bosni i Hercegovini, a koji prihvate statut i programske ciljeve i djelatnosti Udruženja.

Članovi mogu biti i pravna lica koja su registrovana u Bosni i Hercegovini, ako prihvate Statut i ciljeve Udruženja, koja učestvuju u radu udruženja putem svojih delegiranih predstavnika.

Član 13.

O prijemu u članstvo odlučuje Skupština.

Članovi Udruženja mogu biti:

- Stalni članovi
- Pridruženi članovi
- Počasni članovi

Član 14.

Stalni članovi su fizička i pravna lica iz člana 12. ovog statuta, a koja su stekla svojstvo člana udruženja.

Pridruženi član može biti svaka fizička i pravna osoba koja finansijski pomaže Udruženje.

Počasni član može postati fizička i pravna osoba, koja pokaže značajne rezultate u promociji ciljeva i djelatnosti Udruženja.

Za stupanje u članstvo podnosi se pristupnica na propisanom obrascu. Primljeni član se upisuje u evidenciju članstva.

Prestanak članstva

Član 15.

Članstvo u Udruženju prestaje:

1. Na vlastiti zahtjev, potpisivanjem izjave o istupanju iz Udruženja.
2. Isključenjem u slučaju djelovanja u suprotnosti sa ciljevima i statutom Udruženja.

3. Smrću člana
4. Prestankom svojstva pravnog lica

Član 16.

Svaki član Udruženja može slobodno istupiti iz članstva
Sa odlukom člana Udruženja o istupanju iz članstva, upozna se predsjednik Udruženja, nakon čega se vrši evidentiranje istupanja.

Član 17.

Isključenje iz članstva se vrši u slučaju kada član Udruženja teže povrijedi odredbe ovog Statuta ili drugih pravila Udruženja ili ako djeluje protivno ciljevima i interesima Udruženja.
Odluku o iprestanku svojstva člana udruženja donosi Predsjednik udruženja.
Lice koje je nezadovoljno odlukom iz prethodnog stava, može podnijeti žalbu Skupštini Udruženja u roku od 15 dana od dana prijema odluke.
Skupština razmatra žalbu iz prethodnog stava na prvoj narednoj sjednici i na istoj donosi konačnu odluku.

VI PRAVA, DUŽNOSTI I ODGOVORNOSTI ČLANOVA

Član 18.

Prava članova Udruženja su:

1. da biraju organe Udruženja i da od njih budu birani,
2. da daju prijedloge, mišljenja i sugestije,
3. da prate rad Udruženja i pokreću inicijative za rješavanje pitanja od interesa za Udruženje,
4. da budu redovno informisani o radu i rezultatima rada Udruženja,
5. da u zaštiti svojih prava koriste pomoć Udruženja,

Član 19.

Dužnosti članova Udruženja su:

1. da učestvuju u aktivnostima Udruženja,
2. da savjesno i odgovorno izvršavaju povjerene poslove i zadatke u vezi sa radom i aktivnostima Udruženja,
3. da propagiraju djelatnost Udruženja, a posebno značaj njegovih programskih ciljeva,
4. da redovno izvršavaju preuzete obaveze prema Udruženju i provode odluke, stavove i zaključke organa Udruženja.
5. da uredno i na vrijeme izmiruju članarinu
6. da se pridržavaju odredaba ovog Statuta

Član 20.

Oblici odgovornosti članova će se definisati Pravilnikom o disciplinskoj odgovornosti kojeg donosi predsjednik Udruženja.

VII ORGANI UDRUŽENJA

Član 21.

Organi udruženja su:

1. Skupština
2. Predsjednik udruženja i zamjenik predsjednika Udruženja,

1. Skupština

Skupština je organ upravljanja Udruženja, koju čine svi članovi, s jednakim pravom glasa. Radom Skupštine rukovodi Predsjednik Skupštine, kojeg bira i razrješava Skupština. Mandat Predsjednika skupštine traje četiri godine sa mogućnošću reizbora.

Član 22.

Skupština Udruženja može biti:

- redovna i
- vanredna

Član 23.

Redovna skupština se sastaje po potrebi, a najmanje jednom u toku kalendarske godine i ima za cilj kontrolu rada putem razmatranja godišnjeg izvještaja o radu Udruženja.

Vanredna skupština saziva se izuzetno, u slučaju nepredviđenih teškoća u radu, poremećaja međuljudskih odnosa u organizaciji ili drugih okolnosti kada je ugrožen rad i vitalni interesi Udruženja.

Način rada Skupštine pobliže se utvrđuje Poslovníkom o radu Skupštine.

Član 24.

Skupštinu saziva predsjednik Skupštine najkasnije 15 dana prije njenog održavanja.

Predsjednik Skupštine je dužan sazvati Skupštinu u slučaju kada to zahtjeva najmanje 1/3 članova Skupštine, ili kada to zatraži Predsjednik Udruženja.

Član 25.

Radom sjednice Skupštine rukovodi Predsjednik skupštine.

Skupština bira zapisničara na početku rada sjednice koji vodi zapisnik.

Zapisnik mora da odražava bitan tok rada i suštinu svih odluka i stavova Skupštine.

Predsjednik Skupštine:

- Stara se o organizovanju Skupštine i saziva njene sjednice,
 - Predlaže dnevni red sjednice.
 - Predsjedava sjednicama Skupštine,
 - Potpisuje akte donesene na Skupštini,
 - Stara se o izvršenju odluka, zaključaka i drugih akata Skupštine,
- Vrši i druge poslove koje mu odredi Skupština u skladu sa Zakonom i ovim statutom.

Član 26.

Skupština radi i odlučuje u skladu sa Statutom i Poslovníkom o radu, i kvorum je nadpolovična većina svih članova Skupštine Udruženja.

Skupština punovažno odlučuje nadpolovičnom većinom prisutnih članova Skupštine Udruženja, ukoliko ovim statutom nije drugačije određeno, odnosno da je za određena pitanja potrebna kvalifikovana većina.

Glasanje na sjednici je javno, izuzev ukoliko Skupština na samoj sjednici ne utvrdi drugačije.

Član 27.

Skupština u svojoj nadležnosti donosi:

- statut Udruženja, njegove izmjene i dopune i druga opća akta određena Statutom,
- odlučuje o pripajanju, razdvajanju, transformaciji i prestanku rada udruženja, kao i o drugim statusnim promjenama Udruženja,
- donosi poslovnik o radu Skupštine,
- bira predsjednika Skupštine, predsjednika Udruženja i zamjenika predsjednika Udruženja,
- usvaja godišnji program i plan rada Udruženja,
- usvaja izvještaje o radu i finasijski izvještaj koji je pripremio predsjednik Udruženja,
- odlučuje o visini i načinu plaćanja članarine,
- donosi odluku o ovlaštenom licu za zastupanje i predstavljanje Udruženja u pravnom prometu,
- usvaja završni račun,
- daje autentično tumačenje ovoga Statuta,
- djeluje kao drugostepeno tijelo u žalbenom postupku,
- donosi odluku o prestanku rada Udruženja,
- razmatra i usvaja izvještaje o radu Udruženja, koje podnosi Predsjednik Udruženja.
- odlučuje o proglašenju počasnih članova Udruženja i
- obavlja druge poslove koji nisu stavljeni u nadležnost drugih organa Udruženja.

2. Predsjednik i Zamjenik predsjednika Udruženja

Član 28.

Udruženje ima Predsjednika i Zamjenika predsjednika Udruženja koje bira i razrješava Skupština u skladu sa ovim Statutom.

Mandat Predsjednika i Zamjenika predsjednika Udruženja je četiri godine sa mogućnošću reizbora.

Član 29.

Predsjednik i Zamjenik predsjednika Udruženja su za svoj rad odgovorani Skupštini u skladu sa Zakonom, i ovim statutom i drugim aktima Udruženja.

Član 30.

Predsjednik ima sljedeća prava, dužnosti i odgovornosti:

- zastupa i predstavlja Udruženje u pravnom prometu,
- provodi politiku i druge odluke koje je donijela skupština
- naredbodavac je u izvršenju finasijskog plana,
- vodi poslovanje i donosi odluke u okviru programa rada i planova razvoja Udruženja,
- određuje izvedbene planove i radne zadatke,
- odgovoran je za zakonitost i poslovanje udruženja
- priprema i predlaže donošenje svih akata iz nadležnosti Skupštine Udruženja,
- donosi opšta akta, izuzev onih koji su u izričitoj nadležnosti Skupštine,
- prati realizaciju finasijskog plana udruženja,
- izvršava odluke Skupštine,
- raspolaže imovinom udruženja,
- donosi Pravilnik o disciplinskoj odgovornosti iz člana 20. ovog Statuta,
- ima i druga prava i obaveze utvrđene opštim aktima Udruženja i zakonom i koje mu stavi u nadležnost Skupština udruženja.

U slučaju odsutnosti Predsjednika Udruženja mijenja Zamjenik predsjednika Udruženja u svim poslovima iz prethodnog stava, kao i poslovima zastupanja Udruženja.

Član 31.

Predsjednik i Zamjenik predsjednika Udruženja mogu biti razriješeni dužnosti prije isteka mandata na koji su naimenovani, i to

- na sopstveni zahtjev;
- ako pravilno ne obavljaju poslove i zadatke Predsjednika, Udruženja;
- udrugim slučajevima predviđenim Zakonom i ovim Statutom.

Inicijativu za razrješenje Predsjednika može dati 1/3 članova Skupštine.

Predsjednik Udruženja je ovlašten da donosi odluke po svim pitanjima koja se odnose na tekuću aktivnost Udruženja, izuzev pitanja koja spadaju u isključivu nadležnost Skupštine.

VIII KOMISIJE I RADNA TIJELA

Član 32.

Radi svestranog razmatranja i odlučivanja o pojedinim pitanjima iz djelokruga djelatnosti udruženja, Skupština Udruženja može obrazovati stalne ili povremene komisije.

Sastav i djelokrug komisije se utvrđuje odlukom Skupštine Udruženja.

IX PRIHODI I IMOVINA

Član 33.

Prihodi Udruženja su:

- članarine
- dobrovoljni priloz i pokloni fizičkih i pravnih lica, kako stranih, tako i domaćih u gotovini, uslugama ili imovini bilo koje vrste,
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda,
- prihod stečen kroz ostvarivanje ciljeva i aktivnosti Udruženja,
- iz drugih zakonom dozvoljenih izvora.

Član 34.

Ostvarivanje, korištenje i raspolaganje sredstvima Udruženje utvrđuje se finansijskim planom kojeg donosi Skupština na prijedlog Predsjednika udruženja.

O korištenju sredstava, u skladu sa finansijskim planom odlučuje Predsjednik Udruženja.

Član 35.

Nadzor nad korištenjem sredstava vrši Skupština Udruženja.

Skupština je nadležna za kontrolu svih dokumanata, koji se odnose na finansijsko poslovanje, posebno periodičnih, polugodišnjih i završnih finansijskih izvještaja.

Dokumenta iz prethodnog stava Skupština razmatra na redovnoj godišnjoj, a ako je potrebno i vanrednoj sjednici Skupštine te iste podnosi nadležnim organima u skladu sa Zakonom i i ovim Statutom.

X JAVNOST RADA

Član 36.

Rad Udruženja je javan. Javnost rada ostvaruje se neposrednim informisanjem i putem sredstava javnog informisanja za značajnije aktivnosti.

Svim članovima omogućit će se neometan uvid u obavljanje aktivnosti na svim područjima na kojima djeluje ovo Udruženje, kao i planiranje daljnjih aktivnosti.

Član 37.

Članovi Udruženja moraju biti redovno informisani o radu Udruženja. Za javnost rada odgovoran je Predsjednik.

XI POSTUPAK ZA IZMJENU I DOPUNU STATUTA

Član 38.

Skupština je nadležna za donošenje Statuta, izmjene i dopune Statuta i drugih općih akata određenih Statutom.

Izmjene i dopune Statuta udruženja usvaja Skupština, dvotrećinskom većinom glasova ukupnog broja članova.

Inicijativu za izmjene i dopune Statuta može podnijeti 2/3 članova Udruženja.

Inicijativu se upućuje Predsjedniku Udruženja koji priprema tekst nacрта za izmjene i dopune statuta Udruženja.

Član 39.

Udruženje može pored Statuta imati i druga opća akta.

Organi Udruženja donose opće akte Udruženja: pravilnike, poslovnike i odluke koji moraju biti u saglasnosti sa Zakonom i ovim Statutom.

XII PRIPAJANJE, RAZDVAJANJE, TRANSFORMISANJE I PRESTANAK RADA UDRUŽENJA

Član 40.

Udruženje se može spojiti, razdvojiti, ili transformisati samo u drugo udruženje ili fondaciju u skladu sa Zakonom.

Odluku iz prethodnog stava donosi Skupština 2/3 svih članova Skupštine Udruženja.

Ovom odlukom regulira se naročito : naziv, sjedište, djelatnost, podjela imovine, prava i obaveze kao i druga pitanja u vezi statusnih promjena udruženja.

Član 41.

Udruženje može prestati sa radom dobrovoljno na osnovu odluke Skupštine ili po sili zakona.

Inicijativu za prestanak rada Udruženja može dati 1/3 članova Udruženja, u slučaju:

- ako je proteklo dvostruko više vremena od vremena za održavanje Skupštine utvrđenog ovim statutom, a Skupština Udruženja nije održana,
- da se broj članova Udruženja smanji ispod broja tri.

Odluku o dobrovoljno prestanku rada donosi Skupština udruženja 2/3 svih članova Skupštine Udruženja.

Istovremeno Skupština donosi plan likvidacije Udruženja , kojim se utvrđuje raspored imovine, prava i obaveze Udruženja u skladu sa Zakonom i ovim statutom, s tim što je prethodno obavezno izmiriti zakonske i ugovorne obaveze.

Preostala imovina , nakon podmirenja obaveza iz prethodnog stava , će se dodjeliti drugom udruženju, koje obavlja istu ili sličnu statutarnu djelatnost, a na osnovu odluke Skupštine Udruženja.

Član 42.

Udruženje prestaje sa radom po sili Zakona u skladu sa članom 50. 51. Zakona.

XIII ZASTUPANJE I PREDSTAVLJANJE

Član 43.

Udruženje predstavlja i zastupa u pravnom prometu Predsjednik i Zamjenik predsjednika Udruženja , u okviru ovlaštenja utvrđenim ovim statutom i zakonom.

Član 44.

U postupcima u kojima Udruženje sudjeluje kao stranka radi ostvarivanja svojih prava, dužnosti i odgovornosti pred nadležnim organima , Predsjednik udruženja može dati pismenu punomoć advokatu za zastupanje ili drugoj stručnoj osobi.

XIV ZAVRŠNE ODREDBE

Član 45.

Tumačenje odredbi ovog statuta daje Skupština udruženja.

Član 46.

Ovaj Statut stupa na snagu danom donošenja, a primjenjivaće se od dana upisa u registar udruženja kod nadležnog ministarstva.

PREDSJEDNIK SKUPŠTINE

Broj: 02/2010
Sarajevo, 10.02.2010.

Nedim Jukić